

PROTOCOLO DE ACTIVIDADES ESCOLARES

I. INTRODUCCIÓN

As actividades complementarias e extraescolares figurarán, como corresponde, na PXA (Programación Xeral Anual).

As excursións, intercambios, visitas culturais e, en xeral, as actividades complementarias e extraescolares que teñan lugar no centro, serán organizadas polos respectivos Departamentos Didácticos, clubs, comités ou profesorado interesado baixo a supervisión da Xefatura de Estudos e a Vicedirección.

Antes da súa inclusión na PXA, a Vicedirección velará porque as actividades propostas teñan **unha repartición equitativa, equilibrada e axeitada entre os distintos trimestres, grupos e niveis educativos.**

A Vicedirección dará autorización, sempre e cando, as actividades cumpran os requisitos establecidos neste protocolo e rexistrará a actividade no calendario mensual que aparece na páxina web do centro. Picando nos días resaltados en negrita, os membros da comunidade educativa poderán acceder a toda a información sobre as actividades realizadas e aquelas que estea previsto realizar.

Toda actividade que, por imprevista, non estivese recollida na PXA deberá contar coa aprobación do Consello Escolar. Igualmente será precisa dita aprobación en caso de tratarse de actividades de máis dun día, aínda que estivese incluída na PXA.

Diferéncianse **4 tipos de actividades:**

1.- ACTIVIDADES QUE IMPLICAN CONTINUIDADE DURANTE TODO O CURSO

Inclúense na devandita categoría:

- Club contra o Cambio Climático
- Club de Ciencia
- Clubs de Lectura
- Comité de Igualdade
- Equipo de Dinamización da Lingua Galega
- Equipo de Convivencia

2.- ACTIVIDADES COMPLEMENTARIAS

Considéranse actividades complementarias as organizadas polo centro durante o horario escolar, as cales teñen un carácter diferenciado das propiamente lectivas polos momentos, espazos ou recursos que utilizan. **A asistencia a estas actividades será obrigatoria**, igual que ás outras actividades lectivas, xa que estas actividades están orientadas a fomentar unha mellor convivencia. As faltas de asistencia a estas actividades deberán ser xustificadas polas familias.

Inclúense nesta categoría:

- Samaín
- Tu cara me suena
- Entroido

3.- ACTIVIDADES EXTRAESCOLARES

As actividades extraescolares están encamiñadas a potenciar a apertura do centro á súa contorna e a procurar a formación integral do alumnado en aspectos referidos á ampliación do seu horizonte cultural, a preparación para a súa inserción na sociedade ou ao uso do tempo libre. As actividades extraescolares **realizaranse fóra do horario lectivo e terán carácter voluntario para o alumnado e para o profesorado.**

3.1. ACTIVIDADES EXTRAESCOLARES DE MÁIS DUN DÍA

Inclúense na devandita categoría:

- Viaxe de Fin de Estudos para 4º ESO
- Outras actividades que propoñan os Departamentos Didácticos, clubs, comités ou profesorado intresado. Por ex.: viaxes ao estranxeiro, Semana Branca, etc.

3.2.- ACTIVIDADES EXTRAESCOLARES DUN DÍA

- Saídas do centro para ir a exposicións, visitas culturais, pobos ou cidades do entorno...
- Graduación do alumnado de 2º de Bacharelato

II. PASOS A SEGUIR PARA ORGANIZAR UNHA ACTIVIDADE

- a) Os Departamentos Didácticos elaborarán, como parte das súas Programacións, unha relación de actividades complementarias e extraescolares a desenvolver ao longo do curso. **Desta relación entregárase unha copia á Vicedirección.**
- b) O Departamento ou profesor/a implicado na realización dunha saída ou viaxe **deberá entregar na Vicedirección, con 7 días de antelación á súa realización, o Anexo I debidamente cumplimentado. Se a saída é na cidade de Pontevedra, bastará con 3 días de antelación.** Este anexo inclúe unha listaxe de participantes (alumnado e profesorado) co fin de realizar os trámites necesarios (enviar á Inspección e avisar ao profesorado afectado).

Este listado será colocado no taboleiro destinado a Vicedirección na Sala de Profesorado e tamén nas aulas afectadas.

- c) Se a actividade debe contar coa **aprobación do Consello Escolar, hai que presentala con 15 días** de antelación para poder convocar aos seus membros sen precipitación.
- d) O profesorado organizador ten a posibilidade de comunicar ás familias a actividade a desenvolver a través do impreso **(Anexo IV).**
- e) **Para poder participar nas actividades, o alumnado deberá estar autorizado polas súas familias ou representantes legais** conforme ao modelo de autorización que se lles proporcionará. **(Anexo II).**

A autorización asinada deberá ser conservada polo profesor/a que organice a actividade durante todo o curso.

- f) As familias ou titores/as legais do **alumnado menor dos 18 anos que NON participe nas actividades, deberán asinar igualmente o Anexo II** no que se reflecta o seu coñecemento de tal situación.
- g) **O profesorado coordinador da actividade deberá recadar a cantidade de diñeiro necesaria para sufragar os gastos da actividade.**
- h) **Ao termo de cada actividade, o/a coordinador/a da mesma cumprimentará o Anexo III para a avaliación da mesma,** indicando cantas incidencias se produciron, os problemas xurdidos, as solucións achegadas e as oportunas suxerencias para a planificación de sucesivas actividades.

III. REGULAMENTO

1. As actividades complementarias e extraescolares realizaranse preferentemente durante o 1º e 2º trimestre; **durante o 3º trimestre, e con carácter excepcional, autorizaranse exclusivamente aquelas actividades que, polas súas características especiais, ou por circunstancias concretas, sexa preferible facelas nos meses de abril, maio e xuño.**
2. Procurarase que as actividades teñan **o menor custo posible** para que poidan ser realizadas polo conxunto do alumnado e non presenten discriminación por razóns económicas.
3. **Para que unha actividade extraescolar se realice deberá participar, alomenos, o 50% do alumnado ao que vaia dirixido a actividade.** En casos singulares, nos que non poida alcanzarse devandita porcentaxe, o Director decidirá, informando na primeira ocasión que se presente, ao Consello Escolar.
4. **As actividades complementarias serán de obrigada asistencia para o alumnado. O profesorado que teña clase co grupo de alumnado implicado na mesma, será quen se ocupe de levar e coidar aos alumnos/as durante a súa celebración, agás motivos de xustificada ausencia.**
5. **O número de profesores/as por viaxe será de 1 por cada 20 alumnos/as,** agás que as condicións e circunstancias excepcionais aconsellen outro número superior. En viaxes con menos de 20 alumnos/as será necesario contar sempre con 2 profesores/as.
En circunstancias excepcionais, poderá asistir un profesor/a acompañado dun pai, nai, titor/a legal, monitor/a ou persoal implicado na comunidade educativa.
6. **No caso de que coincidan varias actividades** para un mesmo grupo ou un mesmo día, a Vicedirección optará por aquela mellor fundamentada en criterios pedagóxicos.
7. **Todos o alumnado** ao que vaia dirixida a actividade **presentará unha autorización por parte das familias ou tutores/as legais** ao comezo da organización da actividade. Igualmente, **aqueles alumnos/as que NON estean autorizados a asistir, deberán entregar o documento convenientemente cuberto. (Anexo II).**
8. **O alumnado que non asista a unha actividade extraescolar, estará obrigados a asistir ás súas clases correspondentes.**
9. **Procurarase a maior interdisciplinidade na organización das actividades** co fin de realizar saídas dun carácter formativo e integral.
10. **A Vicedirección e os departamentos aos que afecte a actividade, serán os encargados de difundir e coordinar a realización das mesmas.**

- 11. O profesorado acompañante deixará organizado traballo para os grupos non implicados na actividade.** Este traballo será depositado nunha bandexa habilitada na Sala de Profesorado, onde o recollerá o profesorado de garda que será o encargado da entrega do mesmo.
- 12.** Con carácter excepcional e cando a situación o xustifique, o Consello Escolar decidirá sobre a realización de actividades que non se cingan aos criterios aquí expostos.
- 13. Os alumnos/as que fosen sancionados con faltas de conduta contrarias ás normas de convivencia, poderán ser excluídos das actividades complementarias e extraescolares,** a xuízo do profesorado responsable da actividade en coordinación coa Xefatura de Estudos e o Departamento de Orientación.
- 14.** O alumnado sancionado cunha falta leve por non ter mantido un comportamento axeitado no centro durante as actividades complementarias ou extraescolares, poderá perder o dereito a participar en posteriores actividades complementarias ou extraescolares ao longo dese curso escolar. A Xefatura de Estudos será a encargada de supervisar este aspecto.